

Guangjisi Minzcu Bau

ganhhau: CN45-0036 B.2017 Nd.11 Ng.8 liggaeuq dingyoux nienz ndwengouj ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3298期

Baksaek Denyingj Vah Minzcu Roengz Mbanj Fungfouq Gij Vwnzva Saedcej Vunzmbanj 百色民语电影下乡丰富村民文化生活

Mboengqneix, aen hozdung denyingj vah minzcu roengz mbanj youz Baksaek Si Yougyangh Gih Minzcunghgiz cujiz haenx daengz Lunggingj Gaihdauban Fanzbingz Cunh Mbanjnazluz banh, aen mbanj neix geij cib boux vunz yawjgonz le senhconzben 《Baksaek Gyaue Lumj Man》、gohgyauben 《Gij Sienghaih Huqdoeg Caeuq Gaiqdoeg》 caeuq gij benqgojgaeq Vahcuengh 《Mbwnmomj Hengzdoengh》.

Yawjraen gij denyingj yungh vah minzcu vunznoix boiqyaem, caemhcaiq lij dwg gij Vahcuengh bonjfaenh

sugrox haenx boiqyaem, caezgya cungj roxnyinh mizyinx youh caenciet. Vanzmbanj Vangz Civeih angqyangz naeuz: “Denyingj gig ndei yawj, dwg Vahcuengh, caezgya cungj dingq rox, roxyiuj ndaej, cungj roxnyinh angqyangz, muengh coglaeng ndaej aeu denyingj roengz mbanj aen hozdung neix laebdaeb haiguh.”

Ciuq cam rox, vih caenh' itbouh doidoengh Yougyangh Gih diegcomzyouq minzcu vunznoix cingsaenz vwnzmingz hwnjguh, hawj gij cingsaenz vwnzva aeuyungh vunzlai minzcu vunznoix ndaej habhoz, fung-

fouq gij saedcej guh' angq vunzlai, Yougyangh Gih Minzcunghgiz dai bineix ndwen 8 haindung cujiz haiguh aen hozdung denyingj vah minzcu roengz mbanj, youq diegguenleix gak yanghcin gai, mbanj segih cuengqingj denyingj Vahcuengh 50 ciengzbaez, seizneix gaenq cuengqingj 46 ciengz. Aen hozdung neix mboujdan dwg hangh hong vwnzva bangfuz he, lij dwg baujhoh vwnzva minzcu, gij fuengsik caeuq roenloh mizyauq hwnghat minzcu gyaueyuz haenx, yaek hawj hong vah minzcu vunznoix gyalai rengzhongh moq. (Lingz Vaz)

SIUSIK DINJ

简讯

● Ndwen 11 ngoenz 4, Yungzsuij Myaucuz Swciyen capyouq Namzningz daiyauy haiguh aen hozdung gvansim Mbanjmyauz, bouxgagnyienh simndei youz dangjyenz “song moq” cujiz iuheuh haenx, bae ginglaujyen, segih, lajmbanj Yungzsuij, Yungjloz daengj 5 aen yanghcin, faenbied soengq denz, youzgwn, cienzcannai bae hawj 40 boux bouxgeq gungzhoj bi' ndwen sang haenx mbouj aeu cienz, hawj gyoengqde gvaq mbat seizdoeng raeujrub he.

(Lungz Linzci)

● “Cibsam haj” geizgan, Lozcwngz Mulaujcu Swciyen dajveh senj dieg bangfuz senj ranz 13687 boux 3189 ranz, gungh bued cienz 12 ik maenz. Seizneix, gyoebssuenq guhsat bued cienz 8.74 ik maenz, guhsat 73% dajveh gungh bued cienz haenx, gaenq haigoeng hwnjguh ranzanyouq 3000 dauq, guh sat 2800 dauq, gaenq ciemdingh hezyi cek ranzgaeuq 2958 ranz 12641 boux; gaenq faen ranz 2213 ranz 9854 boux.

(Mungz Cwnghsw)

● Ndwen 11 ngoenz 3, Duh' anh Yaucuz Swciyen banh “senhconz Cibgouj Daih henhoh bouxgeq” siuhfei gyaueyuz haeu nienzlaux dayoz hozdung. Daengx ciengz hozdung yungh gij hingzvik eu fwen, gangj gojgaeq daengj vunzlai haengj dingq gyaue yawj haenx, buqcek gij yienzaen cauxbaenz gyoengq bouxsiuhfei geq ngaiz catsaij deng yaeuh haenx, daezsingj bouxsiuhfei geq liz gyaue gij hongx siuhfei haih vunz.

(Cinz Cunghvaz)

● Ndwen 11 ngoenz 3, Sanhgyangh Duncuz Swciyen Liengzgouj Yangh Caidangz Cunh banh mehmbwk bouxak mbaetsou makyouzcaz doxdax, 100 lai boux mehmbwk Mbanjdung youq ndaw ndoeng youzcaz faen cuj mbaetsou makyouzcaz, langhbaij fungsou.

(Vuz Lenyinh)



Nanzdanh: Eu Fwen Senhconz Cibgouj Daih

南丹:山歌宣传十九大

Ndwen 11 ngoenz 2, ndaw aen suen vwnzva gyo' mbaeq aencingz Nanzdanh Yen Mangzangz Cin Cejmaiz Cunh, 200 lai boux vunzmbanj doxcomz youq itheij, yungh gij hingzvik eu fwen, danghaenh gij cingzvik ronghsag Cibbet Daih dangj doxdaej aeundaeh haenx, cienz gij cingsaenz Cibgouj Daih dangj, gangjok gij cingz lwg Mbanjcuengh mbouj lumz aen siengjmuengh nduj, geiqmaenh sawjmingh, sim rox gyo' mbaeq, yien fwngz byaij haeu seizdaih moq. Ndaw doz dwg canghfwen cingq eu fwen.

(Veiz Loz/韦乐 Vangz Lungz/王隆)

Bingzgoj Daegsaek Nungzyez Hwngfat Seiqdaez Ndei 平果特色农业发展势头足

Geij bi neix daeuj, Bingzgoj Yen dawz daegsaek nungzyez dangguh boujcaez gij gezdenj canjnieb hwnghat, diuz ndei nungzyez canjnieb gezgou cungdenj daeuj ca, baengh gijsdei swhyenz, haenqrengz hwnghat maknongzgoet, makit, gosangh daengj daegsaek nungzyez canjnieb, daiqdoengh bouxguhnaz laisou baenz miz.

Haenqrengz hwnghat daegsaek nungzyez. Aen yienh neix giethab saedsach, gungganq nungzyez yienghmoq ginghyingz cawjdaej, yinxhaeuj aen giyez lingxdaeuz haenqrengz doihengz gij vunqsik moq “gunghsw+ gihdi + dangjcihu + hozcozse + nungzhoh”, gyalai ligdoh riuzcienj diegnamh, yinxhaeuj aen giyez lingxdaeuz 4 aen, laebbaenz ciennieb hozcozse 287 aen, hwnghat gyaranz nungzcangz 49 aen, cauxlaeb aendieg

guhyienh dajndaem maknongzgoet gizdieg sizmozva guekgya gaep, aendieg guhyienh haedsim hangzmak saekhoengz diegbya gungzhoj swcigih gaep daengj aendieg guhyienh nungzyez daihneix, daiqdoengh daengx yienh hwnghat maknongzgoet 5.2 fanh moux, makit 3 fanh moux, suen gosangh 10 fanh moux.

Gyagiengz cauxlaeb daegsaek nungzyez binjbaiz, aen yienh neix yawjnaek daezswng gij caetliengh doxgaiq reihnaz, guh ndei swnghdai, saekloeg, youjgih, cangqheiq faenzcieng, haenqrengz doicaenh hwnghat swnghdai nungzyez, ancienz nungzyez, caetliengh nungzyez, binjbaiz nungzyez, gungganq “maknongzgoet Bingzgoj” “makit Bingzgoj” daengj baenzdauq daegsaek binjbaiz, mboujduenh daezsang nungzyez yauqik caeuq

hawciengz rengzdoxciengj. Doengzseiz cuengqhaeuj 1500 fanh maenz, haenqrengz hwnghat “vangj ganjhaw” lajmbanj denswj sanghvu, laebbaenz 172 aen cunh gaep yinyingz vangjdenj, gya' gvangq diuzroen gai doxgaiq reihnaz, coicaenh nungzyez demcanj, bouxguhnaz laisou.

Gaenxmaenx gungganq gij fuengsik moq gai doxgaiq. Aen yienh neix doicaenh “nungz + mou” “nungz + lij”, cungdenj doicaenh hwnjguh Bohcau Huzbuging hanghmoeg, “majswboh” cingjdaej lienzbenq haifat, gyavaiq guhbaenz gizdieg daegsaek nungzyez daihneix hwnghat gwzgziz. Haenqrengz hwnghat lajmbanj denswj sanghvu, dingh doxgaiq reihnaz, daejniemhsik nungzyez daengj “vangjdoxlienz +” gij fuengsik moq gai doxgaiq.

(Vangz Yauj)